



STATEN VAN ARUBA


STATEN VAN ARUBA			
Ingek. - 5 APR. 2007			
Volgnr. 5/428/06-07			
Par.			

Aan de Voorzitter der Staten van Aruba  
ALHIER

Oranjestad, 5 April 2007

Hierbij bied ik U vragen aan ter doorgeleiding aan de  
Minister-President, dhr. N.O. Oduber.

Lid der Staten,  
drs. R.A. Lee



**STATEN ARUBA**  
**FRACCION AVP**  
**Parlamentario drs. Andy Lee**

5 april 2007

**Preguntanan di e miembro di Parlamento, señor drs. Rendolf A. Lee na Minister Presidente señor N.O. Oduber, segun articulo III. 17 di nos Contitucion y segun articulo 59 di Reglamento di Orden di Staten di Aruba.**

---

Recientemente tabatain un caso hopi serio caminda un carta compromitente pa Gabinete Oduber III y IV a ser publica den corantnan local. Den e carta aki e compania H.J. Namdar ta ofrece sosten financiero na e “partido den gobierno” a cambio di un Mall den e area di nos waf y a cambio di un “relacion conhunto y continuo entre H.J. Namdar y e partido den gobierno,” y cu cooperacion pa juda na extende e relacion aki despues di e eleccion di 2005. Un caso asina ta trece gobierno di nos Pais den un lus hopi negativo, y ta pone e reputacion di nos Pais den duda grandi. Ta na interes general pa Gobierno di Aruba tuma posicion y aclarea mas pronto posibel e situacion.

A base di e carta H.J. Namdar tabatin hopi discussion den medionan di comunicacion, caminda mas personanan a keda implica den e asunto aki. Ta tarea di Parlamento di Aruba pa controla Gobierno, y den cuadro aki ta na su lugar pa Parlamento ser informa encuanto di asunto relata na e carta di H.J. Namdar. Ta sirbi interes general di Aruba, y sigur e reputacion di nos Gobierno y nos Pais, pa Minister Presidente responsabilisa mas pronto posibel e rol di su Gabinete den e asunto aki na Parlamento y trece claridad ariba e asunto serio aki pa Parlamento di Aruba y pa publico en general mas pronto posibel.

Anticipando ariba responsabilisacion na Parlamento di Minister Presidente ariba e caso di H.J. Namdar, mi ta hasi uso di mi derecho como miembro di Parlamento, segun articulo III. 17 di nos Constitucion y segun articulo 59 di reglamento di Orden di Staten di Aruba, pa hasi e siguiente preguntanan na Minister Presidente di Aruba, cu e expectativa di hanja contesta pronto.

Sr. Oduber por informa Staten si su persona a ricibi na 2004 e carta of copia di e carta cu sr Namdar a manda pa sr. Williams na 2004, ora cu el a ser manda pa sr. Williams? Den caso cu no a ricibi esaki na 2004, na ki momento exacto su persona a ricibi e carta of copia di e carta aki di sr. Namdar? Promer cu a ricibi e carta of un copia di e carta aki, sr. Oduber tabata al tanto di existencia di e carta aki y di su contenido?

Sr. Oduber por informa Parlamento si su persona, den su calidad como Minister Presidente di e Gabinte actual y esun anterior, ta of tabata caba na altura si Minister Tromp, Minister Briesen of ex Minister Refunjol tabata sa di existencia di e carta aki previo na su publicacion, considerando cu sr. Williams a indica di a duna copia di e carta na e Ministernan aki caba na 2004. Tabatin otro integrantenan di bo Gabinete cu tabata na altura di e carta di H.J. Namdar y di su contenido?

Den caso cu sr. Oduber of un otro integrante di Gabinete Oduber tabata al tanto di e existencia di e carta y di su contenido, previo na su publicacion den Diario, por a splica e motibonan pakiko a warda te despues cu a publica e carta aki pa tuma accion of un posicion pa cu di Grupo Namdar?

Minister por a indica con serio Gobierno di Aruba ta tuma e carta cu sr. Namdar a manda pa sr. Williams, caminda - segun e carta - ta ofrece sosten financiero na e "partido den Gobierno" a cambio di un relacion conhunto y continuo entre H.J. Namdar y e partido aki, y cu e meta pa extende e relacion aki pa despues di e eleccion di 2005?

E compania H.J. Namdar tambe ta ser menciona den e projecto pa desaroya e havengebied di Aruba. Sr. Oduber por a splica Parlamento cual ta e rol di H.J. Namdar den e projecto di desaroyo di havengebied di Aruba? Con e compania H.J. Namdar ta relata na e (posibel) cooperacion entre A.P.A. y Royal Caribbean Cruise Lines (RCCL) pa desaroya e havengebied di Aruba? Kiko exactamente a ser firma cu RCCL na Miami y cu cual grupo(nan) a firma? Ta solicita Minister presidente pa pone un copia di e Memorandum of Understanding entre Aruba/A.P.A. y RCCL pa Parlamento.

Minister Oduber por a splica Parlamento cual ta e procedura oficial pa un compania no-residente cumpra tereno na Aruba y pa traha un Mall? Minister Oduber por a splica na Parlamento kende(nan) of cual instancia tin e autoridad pa duna permiso pa bende e tereno cu ta propone den e carta di H.J. Namdar? Minister Oduber por splica Parlamento kende(nan) of cual instanciatin tin e autoridad pa duna permiso pa construi un Mall ariba e tereno cu Namdar Group ta propone? Minister por indica ta kende(nan) ta e minister(nan) den su gabinete cu tin e autoridad oficial pa realisa un Mall manera Grupo Namdar ta propone? Minister por a splica Parlamento, den su opinion profesional, ki sentido tin pa un grupo manera esun di Namdar, cu ya caba tin diferente Malls den Caribe, ta discuti deals cu ciudadano Williams? Sr. Oduber por splica ki autoridad sr. Williams tin pa tuma decision encuanto di establecimiento di un Mall pa Grupo Namdar na Aruba?

Cualnan ta pasonan concreto cu Gabinete Oduber, Minister Presidente of otro ministernan den Gabinete Oduber IV a tuma den lus di e carta di e compania J.H. Namdar? Por considera cu Gabinete Oduber ta considera e compania H.J. Namdar un partner confiabel ainda pa participa den desaroyo di Aruba? Ki pasonan Gabinete Oduber a tuma pa evita soborno of intentonan di soborno di nos propio gobernantenan?



Drs. Rendolf A. Lee  
Miembro di Parlamento  
Fraccion AVP